



REPUBLIKA E KOSOVËS - REPUBLIKA KOSOVA
KOMUNA VUSHTRRI – OPSTINA VUCITRN

Drejtoria Komunale për Prokurim Publik

Duke vendosur në çështjen administrative, sipas Kërkesës për Rishqyrtim të subjektit në procedurë : "**BM Group "sh.p.k. me seli në Prishtinë**, Autoriteti Kontraktues - Drejtoria Komunale për Prokurim Publik e Komunës së Vushtrrisë, pas mbajtjes së seancës jo publike të shqyrtimit të kërkesës të subjekt në fjalë, në bazë të nenit 108/A pika 6 lidhur me pikën 10 paragrafi 10.1 të Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, më datën **13.10.2023**, merr këtë:

V E N D I M

1. **Refuzohet si e pabazë** Kërkesa për rishqyrtimin lidhur me Njoftimin Letër për Tenderuesin e pasuksesshëm të subjektit në procedure: Grupit të O.E. "**BM Group "sh.p.k. & NT " Fer – Petroll "& " Aktiv "sh.p.k. & " Company Murseli "sh.p.k. me seli në Prishtinë**, në procedurën prokurimit me titull: "**Ndërtimi i tregut të gjelbërt për prodhuesit vendor " Prok: VU644 – 23 – 8470 -5-1-1 / Nr. i brendshëm : VU644 – 23 – 119 – 511**
2. Vërtetohet si i bazuar Vendimi i Autoritetit Kontraktues - Drejtorisë Komunale për Prokurim Publik për vazhdimin e aktivitetit në bazë të Njoftimit mbi Vendimin e Autoritetit Kontraktues të dt. **09.10.2023**

A r s y e t i m

Autoriteti Kontraktues - Drejtoria Komunale për Prokurim Publik (në tekstin e mëtejme A.K.) në bazë të rezultatit nga procesi i ekzaminimit, vlerësimit dhe krahasimit të tenderëve ka marrë vendim që për projektin : "**Ndërtimi i tregut të gjelbërt për prodhuesit vendor " Prok: VU644 – 23 – 8470 -5-1-1 / Nr. i brendshëm : VU644 – 23 – 119 – 511** ta rekomandoi për dhënie të kontratës: OE.: "**2A Group "sh.p.k. & " 2T "sh.p.k. me seli në Prishtinë**, ndërsa Grupin e O.E.: "**BM Group "sh.p.k. & NT " Fer – Petroll "& " Aktiv "sh.p.k. & " Company Murseli "sh.p.k. me seli në Prishtinë**, (në tekstin e mëtejme Ankuesin) për shkak të çmimit më të lartë dhe bazuar në Kriterin e dhënie së kontratës "**Tenderi i përgjegjshëm me çmimin më të ultë " ta radhis në mesin e O.E. të pasuksesshëm, bazuar në procedurën e zbatuar.**

Njoftimi mbi Vendimin e A.K. si dhe Njoftimi letër për tenderuesin e pasuksesshëm për Ankuesin janë dërguar për publikim në platformën elektronike me dt. **09.10.2023**, bazuar në dispozitat e nenit 43 të Rregullores mbi Rregullat dhe Udhëzuesin Operativ për Prokurimin Publik.

Njoftimi mbi Vendimin e A.K. si dhe Njoftimi letër për tenderuesit pjesëmarrës në këtë aktivitet të prokurimit janë dërguar për publikim në platformën elektronike me dt. **09.10.2023**, bazuar në dispozitat e nenit 42 të Rregullores nr. 001/2022 për Prokurimin Publik.

Në Kërkesën për rishqyrtim, Ankuesi konsideron se A.K. ka shkelur nenin 11 të LPP-së pasi që nuk i është lejuar qasja në dokumente për arsye se O.E. i rekomanduar për dhënie të kontratës, bashkangjitur me Dosjen e Tenderit, ka plotësuar dhe dorëzuar dhe dokumentin, Aneksi 3 Kërkesa për Sekret Afarist në të cilin përfshihen dëshmitë nga neni 68 dhe 69 i LPP-së.

Autoriteti Kontraktues pasi i shqyrtoi pretendimin e Ankuesit të parashtruar në Kërkesë për Rishqyrtim dhe vlerësimit të provave në shkresat e lëndës, gjeti se Kërkesa e Ankuesit është e pabazë, për arsye se:

1. Procedura është zhvilluar bazuar në dispozitat e Ligjit për Prokurimin Publik në Kosovë nr. 04/L-042 i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Sipas nenit 1 të LPP-së , A.K. ka pasur për qëllim që, bazuar në kushtet dhe rregullat e specifikuara, procedurën e zbatuar, të siguroj mënyrën më efikase më transparente dhe më të drejtë të realizoi shfrytëzimin e fondeve publike dhe burimeve publike të A.K. Neni 7 ka pasur për qëllim trajtimin e barabartë, pa diskriminuar asnjë prej O.E. pjesëmarrës në këtë aktivitet të prokurimit, neni 33 paragrafi 1 (Procedurë e Hapur) ka pasur për qëllim promovimin e transparencës, neni 59 (Ekzaminimi, vlerësimi dh krahasimi i tenderëve) lidhur me nenin 60 paragrafi 1 pika 1.1 (**tenderi i përgjegjshëm me çmimin më të ulët**) ka pasur për qëllim, që bazuar në të gjeturat dhe rezultatet nga procesi i ekzaminimit dhe vlerësimi të tenderëve, të vendosë në mënyrë meritore. Mbi këtë bazë **A.K. vlerëson se Vendimi i A.K. i dt. 09.10.2023 është marrë bazuar në kushtet, rregullat dhe procedurën e përcaktuar ligjore të LPP-së.**

2. Lidhur me pretendimin e Ankuesit se A.K. ka shkelur nenin 11 të LPP-së pasi që Ankuesit nuk i është lejuar qasja në dokumentet e O.E. të rekomanduar për dhënie të kontratës, A.K. konstaton se një pretendim i tillë i Ankuesit nuk qëndron. Sikurse dëshmojnë edhe provat materiale në shkresat e lëndës, si shkresa në të cilën konfirmohet me shkrim nga z. Visar Thaqi, **qasja në dokumente tenderike**, me përjashtim të dokumenteve dhe / ose dëshmime lidhur me përmbushjen e Kërkesave Teknik/Profesionale dhe atyre mbi gjendjen ekonomik sipas nenit 68 dhe 69 të LPP-së dhe sipas Kërkesës për Sekret Afarist të O.E. të rekomanduar për dhënie të kontratës, **është realizuar.** Përfaqësuesit të Ankuesit i është lejuar qasja në dokumentet e tenderit të O.E. të rekomanduar për dhënie të kontratës, i njëjti, më dt. 11.10.2023 , ka realizuar qasjen e drejtpërdrejtë dhe të papenguar në dokumentet tenderike të O.E. të cilat janë lejuar për qasje, duke marrë dhe kopje të dokumenteve të cilat realizuesi i qasjes i ka konsideruar si relevante dhe të nevojshme për ti pasur në dispozicion.
3. Si përfundim, A.K. konstaton se procesi i qasjes në dokumente , mbi bazën e Kërkesës për qasje në dokumente tenderike është zhvilluar konform dispozitave ligjore të LPP-së dhe Rregullores nr. 001/2022 për Prokurimin Publik, që rregullojnë këtë çështje, andaj mbi këtë bazë A.K. vlerëson se Kërkesa e O.E. për qasje në dokumente tenderike është realizuar dhe / ose përfunduar në pajtim me dispozitat e LPP-së dhe Rregullores nr. 001/2022 për Prokurimin Publik.

Andaj, nga sa u tha me lartë, e në pajtim me nenin 8 paragrafi 8.1 pika 8.1.1 të Rregullave për paraqitje të kërkesë për rishqyrtim, A.K. vlerëson se nuk ka asnjë arsye të vendosë ndryshme nga ajo që është thënë si më lartë, andaj dhe është vendosur si në dispozitiv të këtij vendimi.


Udhëzim Juridik : Kundër këtij Vendimi është e lejuar ankesa në OSHP, në pajtim me dispozitat e nenit 109 të LPP-së lidhur me nenin 9 të Rregullave për parashtrimin e ankesës pran OSHP-së.

Autoriteti Kontraktues - Drejtoria Komunale për Prokurim Publik
K.R. nr. 119/2023 - datë : 13. 10.2023

Vendimi i dërgohet:
Publik

1. 1x Palës
2. 1x DKP
3. 1 x Arkivit (1 kopje)

Drejtori i Drejtorisë për Prokurim


Albanez Tahiraj